

CONTOS

Sa notte s'isfaghet lena
in d'unu respiru 'e passos
e umbras in su camminu.
S'acciarat sa luna anzena
in su ghelu attonzinu
e s'infundet tremulende
in su riu 'e "Su Lentore".
Dae su boscu 'e "S'Astrore"
si pesat tottu in d-una
su 'entu 'e tramuntana
e a fura de sa luna
iscutulat sa bentana
de sa domo incantada
in fundu a unu errile
inue bivit sa fada
prus pallida e gentile.

Daghi friscu su carignu
de su 'entu a primu notte
profumat de mazzigusa
e cunfundet s'istrisignu
de umbras e de passos
s'istentat ogni musa
a intenner s'istivignu
cantadu in sas carrellas
cun cuddu matessi sonu
cun cudda matessi vena.

E mentres giovanas bellas
rident de amore in sinu
sa notte s'isfaghet lena
in d-unu respiru 'e passos
e umbras in su camminu.

ELIGHE

PIER LUIGI LA CROCE
TONARA